

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Sindikalne organizacije državnih službenika i namještenika Ministarstva unutrašnjih poslova Zeničko-dobojskog kantona broj:S-9/25 od 10.03.2025. godine za tumačenje odredbe član 35. stav (1), člana 30. i člana 27. stav 1) tačka d) Kolektivnog ugovora za službenike organa uprave i sudske vlasti u Federaciji Bosne i Hercegovine, na 12. sjednici Komisije održanoj dana 20.05.2025. godine, donosi:

O D L U K U

o tumačenju odredbi člana 35.stav (1) i člana 27. stav (1) tačka d) Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbe člana 35.stav (1) Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Kolektivnog ugovora), kako slijedi:

„Jednokratna novčana pomoć se isplaćuje u slučaju povrede na radu ukoliko takva povreda onemogućava redovan rad.“

Utvrđuje se tumačenje odredbe člana 27. stav (1) tačka d) Kolektivnog ugovora za službenike organa uprave i sudske vlasti u Federaciji Bosne i Hercegovine, kako slijedi:

“Zaposlenicima koji rade u dane državnih praznika, osnovna plaća se uvećava najmanje 50%“

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav 6. Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde.

OBRAZLOŽENJE

Komisiji je elektronskom poštom dostavljen zahtjev Sindikalne organizacije državnih službenika i namještenika Ministarstva unutrašnjih poslova Zeničko-dobojskog kantona broj:S-9/25 od 10.03.2025. godine, za tumačenje odredbe član 35. stav (1), člana 30. i člana 27. stav 1) tačka d) Kolektivnog ugovora za službenike organa uprave i sudske vlasti u Federaciji Bosne i Hercegovine.

Odredbom člana 35. stav (1) Kolektivnog ugovora utvrđeno je da u slučaju povrede na radu, teške bolesti i invalidnosti državnog službenika i namještenika ili člana njegove uže porodice isplaćuje se *jednokratna* pomoć u visini od 2 prosječne neto plaće isplaćene u Federaciji BiH prema zadnjem objavljenom statističkom podatku

Odredbom člana 27. stav (1) tačka d) Kolektivnog ugovora utvrđeno je da se osnovna plaća uvećava za rad u dane praznika koji su po zakonu državni praznici – najmanje 50 %.

Shodno navedenom, utvrđeno je tumačenje odredbe čl. 35.stav (1) i čl. 27. stav (1) tačka d). Kolektivnog ugovora, kao u tački 1. ove odluke.

S obzirom da je odredbom člana 72. Kolektivnog ugovora utvrđena primjena istog u odnosu na organe i institucije na koje se ovaj kolektivni ugovor primijenjuje, utvrđeno je kao u tački 2. ove odluke, dok je u tački 3. utvrđeno da su ovu odluku dužne poštovati sve ugovorne strane ugovora, a u skladu sa odredbom člana 71. stav 6. Kolektivnog ugovora.

Ova odluka će se dostaviti podnosiocu zahtjeva i Samostalnom sindikatu putem Federalnog ministarstva pravde, tj. na način kako je utvrđeno tačkom 4. ove odluke.

Broj: 01-714-52/25
Sarajevo, 20.05.2025. godine


Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine



Vedran Škobić



Bojana Todorović



Samir Kurtović



Haris Karačić